

## **Икельце вал.**

Тонавтомань программась тиринь литературань коряс 6-це классо теезь:

- Эрзя - мокшонь литературань программанть коряс, конань кемекстызе Республика Мордовиянь образованиянь министерствась. Сёрмадьцягнэ: А.И. Брыжинский, А.М. Каторова. Саранск, мордовской книжной издательствась, 2010 ие;
- МБОУ «Шугуровская СОШ» тонавтомань планонзо лангс нежедезь;
- М.И. Брыжинский, Н.Н. Брыжинская «Тиринь вал. Эрзянь школань 6-це классонь туртов учебник-хрестоматия» книганть коряс. 2015

*Недлязонзо 6 -це классо тиринь литературанть максови 1 час. Иезэнзэ – 34 част.*

### **Тиринь литературань тонавтнемань вешематне.**

Ламо лия предметнэнь ютксо, конат тонавтневить школасо, неявики тарка явови эрзя-мокшонь литературанть. Тиринь литературась сехте пек лезды сынест чарькодемс эрямонть, пертьпельксэнь явениятнень. Домкалгавты превест-мелест, сюпалгавты кельвалост кепеди сёрмадомань ды келень культураст, келейгавты эстетической вановтост.

Литературань произведениятнень вельде тонавтницягнэ седе парсте кармить содамо эсь народонть оймензэ-иланзо, тевензэ-валонзо, седикелень эрямонзо-аштеманзо, коензэ-кирданзо, тиринь кельсэнтэ пингедэ пингес пурनावозь превейчинть.

Сехте покш **вешемась**, кона путови тиринь литературань уроктнэнь икелев, те-тонавтомс эйкакштнэнь тиринь келенть ды литературанть содамо ды вечкеме, сынст вельде чарькодеме эсь раськенть историянзо.

### **Программанть ёвтнема лувозо ды теевемазо.**

5-11 класстнэненъ программась теезь истя: тонавтницягнэ аламось-аламось тонадовольть художественной произведениятнень идейной смустест чарькодеме, содамо теоретико-литературной чарькодематнень ды сынст вельде маштовольть ловнозь произведениятнень смустест-зэмест ванномо ды келейгавтомомо сюпавчист.

5-8 класстнэсэ предметэсь тонавтневи кода литературань ловнома. Эйкакштнэ ловнить ды тонавтнить художественной башка произведеният.

6-це классо программанть покшолмазо седе келейгавтозь. Сон ашти истямо пельксстэ: «Устной народной творчествась», «Фольклоронть лувсо сёрмадозь произведениятне», «Эрзятнень ды мокшотнень кезэрень шкань эрямодост», «Эрзятнень ды мокшотнень Ине Отечественной войнанть шкасто ды войнадо мейле эрямост невтемась». Тесэ саезь эрва кодамо жанрань произведеният: народонь ёвкст, поэмат, повесть, ёвтнемат. Ломанесь ды сонзэ тевензэ, героикась ды эрва чистэ вастневицясь, ломанесь ды чачома ёнксось – весе неть мусть тарка программань произведениятнесэ.

6-це классо седе келейстэ максови жанратнеде чарькодемась, ледстневить сёрмадейтнень эрямост, мезесь лезды седе парсте чарькодемс сынст произведениятнень.

### **Тонавтнема предметэнтэ тонавтома результатнэ.**

#### **Личностной результатнэ.**

Школасо тиринь литературань тонавтнезь, эйкакштнэ тонадыть вадрясто ды педэ пес чарькодеме ловнозенть. Сынть тонавтнить кортамо весе классонтэ икеле: ответить тонавтыцянтэ кевкстеманзо лангс, теить ёвтнемат ловнозенть, неезденть. Ванозь кинофильмадонть, эйкакшонь книгадо, артовксонь коряс, ушодыть сынсь кевкстемань максомо.

Фольклорось ды художественной литературась мазылгавтыть ды сюпалгавтыть кортамонь, тонавтницягнэнь кельвалост, валонь сюпавчист.

#### **Регулятивной УУД:**

-келвалонь кастомась;

-парсте содамс тиринь литературанть, бажамс ильведькстэме кортамо, мелень-арсемань ды ёжомарямонь кортазь ды сёрмадозь ёвтнеме.

### **Познавательной УУД:**

Содамс тиринь литературань жанратнеде ды изобразительно-выразительной средстватнеде. Содамс сёрмадейтнень биографияст ды сынст произведенияст.

Тонавтницясь пурны эрва кодамо информация ды материал. Мокшэрзянь литературасто, валкксто, энциклопедиясто, эрзянь кельсэ сёрмадозь журналтнэстэ вешни эрвяиксэнтэ, тонавтни важомеде сынст коряс, кемексты содамочинзэ. Мельспаросо кунсолы ды ванны тэрзянь телепередачат. Интернет-сайтстэ тонавтни муеме эрвяикс информациянтэ ды видестэ сонзэ тевс нолдамо.

### **Коммуникативной УУД.**

Карадо – каршо кортамонь ветямо маштомась, эсет ялгань кунсоломась, сонзэ ёвтнеманзо поладомо эли домкалгавтомо маштомась. Кортамс апак капша, мелень путозь. Кортамось молезэ аволь диалектэнь, но ванькс литературань кельсэ, сонзэ грамматикань ды орфоэпиянь лувтнэнь лангс нежедезь.

Ловны эрва кодамо темань коряс книгат, газетат, журналт, кунсолы музыка, эрзянь морот тиринь мастордо, ояксчиде ды седе тов.

Вечкезь, паро мельсэ, чарькодевиксстэ кортни тиринь кельсэ ломантнень марто.

Машты важомеде коллективсэ, парсте кортамо, лиянь кунсолото.

### **Предметной результатнэ.**

- 1) Эряви явомс ламо мель минек масторсо эрва раськенё эрицятнень культураст ютксо сюлмавксонь кастомантень, сюпалгавтомантень;
- 2) чарькодъсызь тонавтницятне, што тиринь литературась раськенё культурань явления ды сонзэ тонавтнезь чарькодевить ломантнень эрямосо вастневиця ёнксонзо, коензэ-кирданзо, мелензэ-арсеманзо;
- 3) тонавтовить эйкакштнэ эрязаство, мельстуезь, чарькодевиксстэ ловномо, ильведевкстэме сёрмадомо. Парсте кортамо, эсест мелест-арсемаст ды ёжомарямост кортазь ды сёрмадозь ёвтнеме;
- 4) чарькодъсызь, мезекс эряви тенст тиринь литературантэ содамозо;
- 5) тонадыть самостоятельна вешнеме эрвяикс литература, штобу чарькодемс ды содамс дополнительной информациянтэ.

### **Тиринь литературань тонавтнемстэ эйкакштнэнь келень культураст кастомась.**

Тиринь литературань программасонтэ эрва классо явовит башка част келень культурань кастомантень. Неть уроктнесэ сехте сеедьстэ сёрмалевить сочиненият ды изложеният.

Тонавтыцясь бажи эрва уроксо тонавтомс эйкакштнэнь мазый ды чарькодевикс валсо эсь мелест-арсемаст ёвтамо, кортнемань ветямо, лиянь кортамонь кунсолото, эсь кортамозост валмеревксэнь ды цитатань совавтомо. Ушодкс классто саезь эряви тонавтомс эйкакштнэнь ловнозь произведениятнень смустест ёвтнеме. Сынё ёвтневить нурькинезэ, кочказь произведениятнень художественной ёнксост апак стувто.

### **Аволь классо ловномась ды аволь классо важомемась.**

Тиринь литературань коряс аволь классо важомемась, сехте пек жо аволь классо ловномась, пек лезды тонавтницятнень содамочист кастомантень. Аволь классо ловномась лезды домкалгавтомс ды кемекставтомс уроксо ютазь материалонтэ. Кепедемс теориянь коряс содамочитнень, получамс од содамочить литературадо ды искусствадо, келейгавтомс эрямонть лангс вановтонть, седе сэрейстэ кепедемс мелентэ тиринь келентэ ды литературантэ содам оды вечкеме.

Аволь классо ловномань произведениятне ванновит башка уроксо. Произведениятне, конат максовить аволь классо ловномантень. Совавтозь школань программантень. Программасонтэ ламо произведенийт. Весе сынё а ванновить. Секс тонавтыцясь эсь мелензэ коряс кочки программантень максозтнеде сехте мельстуиця произведеният.

5-9 класктнэсэ аволь классо ловномантень явовить 7-10 част. Тень мельсэ кирдезь тонавтыцясь ютавты эрва классо ковонзо аволь классо ловномань вейке урок.

### **6-це классо тонавтницятнэненё эряви маштомс:**

- произведениятнень тонавтнемстэ родонь ды жанрань ёнкстнэнь явомо;
- ловнозь произведениятнэненё виде питнень путомо, эсь мелень ёвтамо;
- произведениянтэ содержаниянзо чарькодеме ды ёвтнеме;
- арсеме произведениясо кепедезь проблематнеде, геройтнеде;
- текстэнь коряс планонь теме;
- сочинениянь сёрмадомо;
- неезентэ, марязентэ, мельс ледстязентэ ды икелепелев арсематнень-бажамотнень сочинениянь сёрмадомсто тевс нолдамо.

## Тематической планированиясь

№	Тематне ды разделтнэ	Частнэ	Кельвалонь кастомась	Аволь классо ловномась
1.	Ушодксонь вал	1		
2.	Устной народной творчествась	3	1	
3.	Фольклоронь лувсо сёрмадозь произведениятне.	6	1	2
4.	Эрзятнень ды мокшотнень кезэрень шкань эрямодост.	7	2	1
5.	Эрзятнень ды мокшотнень Отечественной Ине войнанть шкасто ды войнадонтъ мейле эрямост невтемась.	17	3	3
6.	Весемезэ:	34	7	6

### Программанть содержаниязо. Котоце класс (34 част)

1. Ушотксонь вал (1 час)

2. Устной народной творчествась (3 част)

Раськенъ ёвкст. Валмеревкстнэ. Легендатне.

*Литературань теориясь.* Ракшадо, чудань ды эрямо койде ёвкстнэнь башка ёнксост. Гиперболадо чарькодемась. Валмеревкстэ чарькодемась.

3. Фольклоронь мотивень коряс сёрмадозь произведеният (6 част)

В. И. Радаев «Варда»

Д.С. Куляскин «Пичай»

Г.И. Ельмеев «Ёжка»

*Литературань теориясь.* Легендадо чарькодемась. Фольклоронь содавикс жанратнень ледстямось.

4. Эрзятнень ды мокшотнень кезэрень шкань эрямодост (7 част)

А. В. Рогожин «Галё»

П.С. Глухов «Кедровой пештть»

В.И. Ардеев (Виард) «Кешань приключениянзо»

Ф.М. Чесноков «Тетьяка левкс», «Ояз Мика»

*Литературань теориясь.* Поэмадо чарькодемась. Конфликттэ чарькодемась. Ёвтнемадо чарькодемась.

5. Эрзятнень ды мокшотнень Ине отечественной войнанть шкасто ды войнадонтъ мейле эрямост невтемась (17 част)

Р.Р. Федькин «Вишка партизан»

А.М. Осипов (Моро) «Анеявикс ломань»

Н. Л. Иркаев «Алёшка»

П.У. Гайни (Поздяев) «Чачома край»

П.И. Левчаев «Гайганть вельксэсэ увт»

Ф.С. Атянин «Надя»

В.С. Радаев «Цянавонь само шка»

*Литературань теориясь.* Поэмадо чарькодеманть келейгавтомась. Прозань видтнэде чарькодема.

**Тонавтнемапелесь:**

Тиринь литература. Общеобразовательной учреждения тненень учебник-хрестоматия 6-це класснэнь. Сёрмадыцясь – пурныцясь : Брыжинский М.И., - Саранск, Морд. кн. изд. 2015 и

**6-це классонтень тиринь литературань коряс календарно- тематической планированиясь**

№	Уроконтъ тематне	Уроконтъ типесь	Тевтеемань ёнкстнэ	Час тнэ	Ютавтома шкась	
					П.к.	Ф.
1	Ушодксонь вал.	Урок-лекция		1		
<b>2. Устной народной творчествась.</b>						
2.1	Раськень ёвкт.	Мельс ледстямонь урок	Максомс чарькодема раськень устной творчествадо. Маштомс мельтнень-арсематнень видестэ ёвтамо ды сёрмадомо	1		
2.2	К. к. Арсемс ёвкс, косо невтеви чопода ды валдо вийтнень ютксо тюремась.	Кельвалонь кастомань урок		1		
2.3	Валмеревкстнэ. Легендатне.	Од содамочинь максомань урок		1		
<b>3. Фольклоронь лувсо сёрмадозь произведения тне.</b>						
3.1	В.И. Радаевень «Варда» легендасонть кезэрень пингень невтемась.	Од содамочинь максомань урок	Ледстямс раськень устной творчествавань жанратнень. Маштомс произведения тнень кевкстемань коряс анализэнь теме. Маштомс мельтнень-арсематнень видестэ ёвтамо ды сёрмадомо.	1		
3.2	Аволь классо ловномась. В.И. Радин «Пизьгатань само пинге».	Аволь классо ловномань урок		1		
3.3	Д.С. Куляскин «Пичай» ёвксонть ёвтнема лувозо ды темазо.	Од содамочинь максомань урок		1		
3.4	К. к. Изложения «Ве кедьсэ сюлмоаяк а сюлмави».	Кельвалонь кастомань урок		1		
3.5	Г.И. Ельмеевень «Ёжка» ёвксонть народной поэзиянь марто сюлмавомазо.	Од содамочинь максомань урок		1		
3.6	Аволь классо ловномась. Ф.С. Атянин «Стада ваньинь тейтерь».	Аволь классо ловномань урок		1		
<b>4. Эрзятнень ды мокшотнень кезэрень шкань эрямодост.</b>						
4.1	К.Г. Абрамовонь «Сараклыч» поэмась.	Од содамочинь максомань урок	Максомс историянь коряс содамочить. Ледстямс сёрмадыця тнень произведенияст. Маштомс произведениянь теманзо ды идеянзо панжомо. Маштомс мельтнень – арсематнень	1		
4.2	Н.И. Учватовонь «Маркуз ды Лундан» повестесь. К. к Ёвтнема «Кезэрень шкань мокшэрзятнень лемест».	Од содамочинь максомань урок		1		
4.3	П.С.Глуховонь «Кедровой пештть» ёвтнемасонть Пальконь образось.	Од содамочинь максомань урок		1		
4.4	В.И. Ардеев (Виард). «Кешань приключениянзо» повестень сюлмавомазо сёрмадеенть	Од содамочинь максомань урок		1		

	эрямокинзэ марто.		видестэ ёвтамо ды сёрмадомо.			
4.5	«Кешань приключениянзо» повестьсэнтэ тайганть маласо велетнесэ эрицятнень эрямо.	Кемекстамонь урок		1		
4.6	К.к. «Монь ули ялгам, конань марто бу молевлинь разведкас» теманть коряс сочинениянь сёрмадомась.	Кельвалонь кастомань урок		1		
4.7	Аволь классо ловномась А.С.Щеглов «Чака ды Кулина».	Аволь классо ловномань урок		1		
<b>5. Эзрятнень ды мокшотнень Ине Отечественной войнагы шкасто ды войнадонть мейле эрямо невтемась.</b>						
5.1	Р.Р.Федькинэнь «Вишка партизан» поэмасонть советской ломантнень эрямонь апок тюреманть невтемась.	Од содамочинь максомань урок	Максомс новелладо чарькодема. Ледстямс историянь коряс содамочитнень	1		
5.2	«Вишка партизан» поэмасонть Вася цёрынень образось.	Кемекстамонь урок	Маштомс литературной героентень	1		
5.3	К. к. Нурькине сочинениясо героень обуцяно эсетэ валсо невтемась.	Кельвалонь кастомань урок	характеристикань максомо.	1		
5.4	Аволь классо ловномась. И.М.Девин «Иван лейтенантось»	Аволь классо ловномань урок	Маштомс кевкстемань коряс художественной произведениягть анализэнь теме.	1		
5.5	«Н. С. Живайкинань «Авань пилексэнзэ» ёвтнемась. К.к. Минек семьясо ладязь койтне.	Од содамочинь максомань урок	Маштомс вейкенъ-вейкенъ кунсолосо ды марямо.	1		
5.6	Никул Эркаень «Алёшка» повестьсэнтэ войнадо мейлень мокшэрзянь велень эрямонть невтемась.	Од содамочинь максомань урок		1		
5.7	«Алёшка» повестьсэнтэ Алёшкавнь ды Андрейкань обуцяст, прянь ветямост.	Кемекстамонь урок		1		
5.8	К.к Кортнема «Кода ней чарькодеви подвигесь?»	Кельвалонь кастомань урок	Маштомс вейкенъ-вейкенъ кунсолосо ды марямо.	1		
5.9	Аволь классо ловномась. Никул Эркай «Шураган».	Аволь классо ловномань урок		1		
5.10	П.У. Гайнинь эрямонь ды шкинемань кизэ. «Чачома край» ст-сь.	Од содамочинь максомань урок	Маштомс мельтнень –арсематнень видестэ ёвтамо ды сёрмадомо.	1		
5.11	П.И. Левчаевень «Ласкань седей» новеллась	Од содамочинь максомань урок		1		
5.12	Ф.С. Атянинэнь «Надя» ёвтнемась.	Од содамочинь максомань урок	Маштомс кевкстемань коряс художественной произведениягть анализэнь теме.	1		
5.13	В.Н. Радинэнь «Чуваронь вечкицягть» ёвтнемась.	Од содамочинь максомань урок	Маштомс мельтнень –арсематнень	1		
5.14	К.к. Сочинения «Монь вечкевикс тонавтыцягть».	Кельвалонь кастомань урок	видестэ ёвтамо ды сёрмадомо.	1		
5.15	И.А. Калининэнь «Каладозь кудо», «Валонть виезэ» стих-тне.	Од содамочинь максомань урок	Маштомс вейкенъ-вейкенъ кунсолосо	1		
5.16	А.М. Доронинэнь «Сермань кандтница» стих-сь.	Од содамочинь максомань урок	ды марямо.	1		
5.	Аволь классо ловномась	Кемекстамонь урок		1		

17	С.С. Ларионов «Уцяска». Кизэнь рекомендацият.					
----	---	--	--	--	--	--

### Материально-технической обеспечения

#### 1. Оборудованиясь

- Компьютер
- Магнитофон
- Мультимедийной проектор

#### 2. Наглядной материалось

1. Мокшэрзянь сёрмадыцятнень портретэст – 10 шт.
2. Диск «Писатели Мордовии» -1шт.
3. Диск «Финно – угорской народной ёвкст» - 1 шт.
4. Тиринь литературань произведеният
5. Диск «Видеознакомство с Мордовией» - 1шт.
3. **Тонавтнемапелесь:** Тиринь литература. Общеобразовательной учреждениятненень учебник- хрестоматия 6-це класснень. Сёрмадыцясь –пурныцясь : Брыжинский М.И., - Саранск, Морд. кн. изд. 2015 ие.

#### 4. Литературась:

- Журнал «Чилисема».
- Журнал «Сятко».
- «Введение в литературоведение» /Каторова А.М-Саранск,-2006 ие.
- «Поэмат ды ёвкст» /Я.Я. Кулдыркаев-Саранск,-2008 ие.